

Diedáhus 11.2.2019

## Jieknameara ruovdegeainnu čielggadus lea gárvánan

Suoma ja Norgga gaskasaš čielggadanbargojoavkku raporta Jieknameara ruovdegeainnus lea gárvvásmuvvan. Raporttas eai buvttu ovdan joatkkadoaimmaid ruovdegeaidnofidnu ovddideamen dán muttus.

Bargojoavkku doaibman lei čielggadit Jieknameara ruovdegeainnu ráhkadeami gáibádusaid ja áššiid, maid vejolaš joatkkaplánemis galgá váldit vuhtii. Čielggadusas vudjo 1) vejolaš ruhtadanmáliide, 2) plánen- ja lohpeannudemiide sihke 3) biras- ja sámegažaldagaide.

– Giittán buohkaid čielggadussii Suomas ja Norggas oassálastán olbmuid ovttasbarggus. Čielggadanbarggu áigge lea kártejuvvon sierra beliiguin Jieknameara ruovdegeainnu fidnu eavttuid ja das, maid visot ruovdemáđidja gáibidivččii ollašuvvamii, Suoma johtolat- ja gulahallanministtar **Anne Berner** dadjá.

Mearrádus ruovdegeainnu ollašuhttimis dahje ruovdegeaidnolinnjema válljemis ii leat Suomas dahje Norggas dahkkon. Plánemaálgaheapmi gáibidivččii, ahte goappáge riikkas dahkkošii politihkalaš mearrádus fidnu ollašuhttimis. Raporta lea ovdačielggadus Roavvenjárga-Kirkonjárga - ruovdegeaidnolinnjemis. Čielggadanbarggu áigge ii leat leamašan vejolaš árvvoštallat buot ruovdegeaidnofidnui váikkuhan dahkkiid.

## Gánnáhahttivuohta čielggaduvvo

Fidnu ii livččii ekonomalaččat gánnáhahtti mange čielggadusas árvvoštallojuvvon ruhtadanmálie mielde. Jahkásaš fievrridanvoluma galggašii leat 2,5 miljon tonna sulaid, vai jahkásaš bajásdoallangoluid livččii vejolaš gokčat. Dákkár fievrridanmeari ii čielggadusa mielde sáhte dálá dieđuid mielde atnit realisttalažžan almmá mearkkašahtti rievdadusaid ealáhusdoaimmas dahje eará johtolathámiid goluin.

Suoma Sámi turismasuorggi geahččančiegas sávahahtti leat doaimmat, mat álkidahttet Sápmái mátkkošteami. Jieknameara ruovdegeaidnu ovttastahtášii Sámi viidásut árktalaš guvlui. Turismabođuiguin ii ruovdegeainnu ráhkadeapmi goittotge ruhtaduvvošii, iige turisma leat doarvái buorre ákkastallan ruovdegeaidnofidnui.

Čielggadusas badjánii maddái ovdan, ahte Jieknameara ruovdegeainnu dievaslaš ávkkástallan fievrridangollosiin Gaska-Eurohpái gáibidivččii eandalii Suoma váldoruovdegeainnu kapasitehta lasiheami eandalii dan ealáskeamos gaskkas Helsset-Tampere.

## Plána- ja lohpeproseassa livččii mohkkái Suomas ja Norggas

Nu Suomas go Norggasge plána- ja lohpeproseassa livččii guhkki ja mohkkái. Suoma ja Norgga gaskkas leat lunddolaččat earut ruovdegeaidnoplánema muttuin. Jus fidnu plánen boahhtevuođas mearriduvvošii jotkojuvvot, de čuovvovaš muddu sáhtašii leat rájái rasttildan čielggadusa gárvvisteapmi, das mo lohpeproseassaid sáhtašii heivehuvvot oktii.

Id Versionumero

Maiddáí Suomas leat álggaheamen Norgga vuogi mielde 12-ceahki johtolatvuogádatplánema. Dat addá vejolaš joatkkaplánemii dihto rámmaid, go Jiekŋameara ruovdegeainnu plánema galggašii heivehit maiddáí goappat riikkaid johtolatvuogádatplánaide. Johtileamosge vuogi mielde ruovdegeainnu plánen ja ráhkadeapmi bisttášii uhcimustá 15 jagi.

### Váikkuhusat birrasii ja sápmelaččaide

Čielggadusas bohtá ovdan, ahte Jiekŋameara ruovdegeainnus livčče mánggalágan váikkuhusat birrasii ja sápmelaččaide. Oppalaččat lea dieđus davvi luonddu hearckesvuohta ja áidnalunddotvuohta, mii gáibida sierrafuomášumiid. Jus fidnu mearriduvvošii ollašuhttot, galgá eamiálbmot sápmelaččaid oassálastin sihkkarastojuvvot, ahte ii bissovaččat vaháguhttošii sin kultuvrra ja ealáhusaid. Riikkaidgaskasaš lánkaásaheapmi ja Suoma ja Norgga álbmotlaš lánkaásaheapmi dovddastit mánggaid meannudemiid, mat sihkkarastet, sápmelaččaid riikkaidgaskasaččat dovddastuvvon sierrasajádat ja vuoigatvuođat ruovttuguovloset, gielaset ja kultuvrraset váldojuvvojit riehta vuhtii. Dehálaš lea, ahte sápmelaččat, boazodoallit ja eará bealit, geaidda ruovdegeaidnofidnu váikkuhivččii, oassálastet plánaprosessi gitta álggu rájes.

Suoma johtolat- ja gulahallanministeriija jođihan bargojovkui oassálaste Suomas birasministeriija, Johtolatdoaimmahat, Lappi lihttu, Lappi EBI-guovddáš, Lappi guovlluovttasbarggu gieldaovttastupmi, sámediggi, Nuortalaččaid siidačoahkkin sihke Norggas johtolat- ja gulahallanministeriija, Ruovdegeaidnohálddahus, Finnmárkku guovllu ovddasteaddjit ja sámediggi. Barggus gulle maiddáí eará čanusjoavkkuid ovddasteaddjiid. Joavkku doaibmaáigodat lei 9.5-14.12.2018.

Doaibmaáigodaga nohkama maŋŋá johtolat- ja gulahallanministeriija ja Suoma Sámediggi gevve sámediggelága 9 paragrafás oaivvilduvvon ráđđádallamiid bargujoavkku barggus. Muittuhancállagis, man Sámediggi lea doaimmahan johtolat- ja gulahallanministeriijai, buktojuvvojit ovdan oainnut bargujoavkku loahpparaportta ja vuollebargujoavkkuid raporttaid sisdoaluin. Muittuhancála gávdno Hankeikkunas.

Oktasaš suopmelaš-norgalaš jiekŋameara ráti čielggadanbargujoavku. Loahpparaportta. Johtolat- ja gulahallanministeriija almmustahttimat 2019:3:  
<http://urn.fi/URN:ISBN:978-952-243-563-7>

### Lassidieđut:

johtolat- ja gulahallanministtar Anne Berner  
 jearahallanbivdagat gulahallanhoavda Susanna Niinivaara, t. 040 081 6187

ovttadaga hoavda Timo Kievari, johtolat ja gulahallanministeriija, t. 040 059 3706,  
 timo.kievari@lvm.fi, Twitter @TimoKievari

### Eará sajis neahtas:

Oktasaš suopmelaš-norgalaš jiekŋameara ráti čielggadanbargujoavku. Loahpparaportta. Johtolat- ja gulahallanministeriija almmustahttimat 2019:3:  
<http://urn.fi/URN:ISBN:978-952-243-563-7>

[Valtioneuvoston hankeikkuna: Jäämeren radan rautatielinjauksen selvitys \(LVM047:00/2018\)](#)

Id Versionumero

Liikenne- ja viestintäministeriö	Käyntiosoite Eteläesplanadi 16 Helsinki	Postiosoite PL 31 00023 Valtioneuvosto	Puhelin 029516001	www.lvm.fi etunimi.sukunimi@lvm.fi kirjaamo@lvm.fi
----------------------------------	---	--	----------------------	--